


大寶積經

第五十四

七十八
官四

47562



元
 帝
 佛
 日
 增
 輝
 轉
 常
 轉
 置

山城州天安寺法金剛院置

元... 西... 二月... 日... 重... 脩



大寶積經卷第五十四

官

大唐三藏法師玄奘奉詔譯

菩薩藏會第十二之二十

大自在天授記品第十二

尔時佛告舍利子往咎過去大蘊如來應正
等覺爲精進行童子廣說如是四無量法及
說六波羅蜜多已尔時彼佛復告精進行童
子云何菩薩摩訶薩隨攝法轉童子當知菩
薩摩訶薩具足如來四攝之法由是法故菩
薩摩訶薩恒處長夜攝諸衆生何等爲四所
謂布施愛語利行同事如是名爲四種攝法
童子云何名爲如是攝法童子所言施者具

有二種一者財施二者法施是爲布施言愛語者謂於一切諸來求乞或樂聞法菩薩悉能愛語慰喻言利行者謂能滿足若自若他所有意樂言同事者隨已所有智及功德爲他演說攝受建立一切衆生令其安住若智若法復次童子言布施者於來乞求諸衆生所心意清淨言愛語者於來乞求諸衆生所善言安慰言利行者隨諸衆生所有義利皆令成熟言同事者於來乞求諸衆生所行平等心成其義利復次童子言布施者謂諸菩薩發意行捨言愛語者方便無斷言利行者深心無悔言同事者迴向大乘復次童子言

布施者謂隨慈心而行於捨言愛語者常不
捨離歡喜之心言利行者成就大悲心恒欣
樂利衆生事言同事者修捨平等無有高下
心恒迴向一切智智復次童子言布施者如
法求財常思行捨賑濟貧乏之言愛語者既施
財已重復安處令住法義言利行者自利利
他平等攝取言同事者爲欲利益諸衆生故
究竟發起一切智心復次童子言布施者一
切所有內外諸法悉皆捨離言愛語者於一
切法功德智慧無所祕惜言利行者棄捨自
利專務利他言同事者揔攝財物如置掌中
隨緣惠施情無憂感復次童子言法施者如

所聞法廣爲他說言愛語者以無染心分別
開示言利行者謂爲於他授誦經典乃至說
法無有厭倦言同事者以不捨離一切智心
安置含生於正法所復次童子所言法施若
爲往返求聽法者如佛正教不亂宣說言愛
語者以微妙音開示正法言利行者謂以衣
服飲食牀敷醫藥及餘隨用什物衆具於求
法者及說法者但有匱乏即便給施言同事
者常起深心無間說法復次童子言法施者
由是菩薩了知法施諸施中上常行法施言
愛語者謂所演說利益之事言利行者演暢
其義不依於文言同事者欲令圓滿一切佛

法常爲衆生如應敷化復次童子言布施者
所謂陀那波羅蜜多言愛語者所謂尸羅波
羅蜜多及以羸底波羅蜜多言利行者所謂
毗利耶波羅蜜多言同事者所謂靜慮波羅
蜜多及般若波羅蜜多復次童子言布施者
謂初發心一切菩薩言愛語者謂已發行一
切菩薩言利行者謂不退轉一切菩薩言同
事者所謂繫屬一生諸大菩薩復次童子言
布施者爲欲堅固菩提根本言愛語者爲欲
成就菩提萌芽言利行者爲欲開發菩提妙
花言同事者爲欲成熟菩提勝果如是童子
是名菩薩摩訶薩四種攝法菩薩摩訶薩爲

欲修行大菩提故以如是等四攝之法處於
長夜攝受衆生是名菩薩摩訶薩隨攝法轉
童子如是攝法無量無邊皆說名爲菩提之
道舍利子尔時薄伽梵大蘊如來應正等覺
爲是精進行童子開示如是大菩提道時彼
童子具於佛所聞是法已又聞讚說過去未
來現在諸佛得大歡喜即以上妙衣服肴饍
飲食牀敷醫藥什物衆具持以奉獻大蘊如
來及聲聞衆如是乃經九十六拘肱歲供養
恭敬尊重讚嘆又復興菩提大願雖作如是
無量功德而大蘊如來未與童子授於阿耨
多羅三藐三菩提記舍利子汝謂彼時精進

行童子豈異人乎勿作餘疑即我身是也我
於彼佛所以諸供養奉佛及僧經尔所歲又
復發起大菩提願然彼如來不授我記汝於
來世當得作佛号釋迦牟尼如來應正等覺
舍利子從大蘊如來滅度之後經阿僧企耶
劫尔時有佛出興于世名曰寶性如來應正
等覺鬻行圓滿善逝世間解無上丈夫調御
士天人師佛薄伽梵舍利子寶性如來有八
十那庾多聲聞弟子共會說法一切皆是大
阿羅漢諸漏已盡無復煩惱乃至其心自在
證得第一波羅蜜時彼世中有轉輪聖王名
曰善見七寶來應所謂成就金輪乃至主將

兵寶是善見王以其輪寶威四天下正法治
世名爲法王仁德育物衆所欣重國界人民
居住寬博所治大域名曰圓滿東西長十二
踰繕那南北廣七踰繕那安隱豐樂人民熾
盛甚可愛樂多諸財寶資具充溢尔時城中
有大長者名曰善慧其家巨富財寶充積已
曾供養過去諸佛殖衆德本舍利子時薄伽
梵寶性如來觀是長者深心欲解作是思惟
此大長者善根已熟堪爲如是大菩薩藏法
門之器又是諸佛正法之器既了知已便往
其所現大神變上任虛空結加趺坐爲彼長
者開菩提道又復讚說過去未來現在諸佛

舍利子。爾時善慧聞佛開示大菩薩道。又聞讚說三世佛已獲得廣大歡喜淨信。即以上妙衣服肴饌飲食及餘資具以用奉獻寶性如來及弟子眾。經於千歲供養恭敬尊重讚嘆。又復興起阿耨多羅三藐三菩提微妙大願。雖作如是廣發眾行。然彼如來未爲授記。舍利子。汝謂爾時善慧長者豈異人乎。勿餘異疑。即我身是也。我於爾時雖以種種供養奉佛及僧。并起廣大菩提願。然彼如來不授我記。云於來世當得作佛。号釋迦牟尼。如來應正等覺。舍利子。自寶性如來滅度之後。經阿僧企耶劫。有佛出世。名曰放光如來。應

正等覺明行圓滿善逝世間解無上丈夫調
御士天人師佛薄伽梵舍利子以何義故佛
名放光舍利子當於尔時有王出世名曰勝
怨所都大城名盛蓮花安隱豐樂人民熾盛
財寶衆具充積流溢王有大臣婆羅門種名
曰光主其家巨富財產倉庫具足盈滿而是
大君爲勝怨王徧所愛重欣慕其德常所見
遇情無厭逆舍利子時勝怨王割所王國四
分之一賜此大君封以爲王時光主王治于
小國以法御世不行邪枉舍利子是光主王
於後異時誕生太子形貌端正衆所樂觀成
就第一圓滿淨色以三十二大丈夫相具足

莊嚴又於王子一切身分皆放光明猶如日
輪之所照耀因爲立号名曰放光舍利子時
光主王召集國中諸婆羅門善占相者皆悉
集已便示王子令其相之諸婆羅門既覩相
已便作是言今此王子定當作佛時光主王
即以王子付諸養母其後不久身相長大聰
叡明達時淨居天處色究竟天宮以通智力
知是王子將登正覺便於彼沒來至放光王子
菩薩所止處已右遶菩薩即於其前說是頌曰
非謂安處大王宮
能生清淨勝功德
要假仙幢袈裟相
果證無上妙菩提
盛壯湏臾若流逝
迅速過於大猛風

不可喜樂弊衰老

摧壞世間之所愛

衰老能令薄勢力

難得欣樂趣非家

大仙今者極盛年

宜當及時發精進

善哉善哉大慧者

善哉善哉大超悟

善哉善哉速出家

定成堅固正等覺

舍利子時放光菩薩摩訶薩為淨居天所開

悟已以清淨信趣於非家當出家夜即成阿

耨多羅三藐三菩提時彼世尊便以如是廣

大名稱為出現世間号曰放光如來十号具足

為諸天人之所讚頌時勝怨主聞光主王子

出家修行證得無上正等菩提名曰放光即

便往告光主王言我聞卿子出家成佛不審

世尊大慈悲故能來降不若不垂愍至於此
者我當嚴備四種力軍往如來所躬事奉敬
舍利子時光主王即集大臣守衛軍眾具宣
是事諸大臣言天於今者應自往詣放光如
來諮問是事大悲世尊愍眾生故爲欲往彼
勝怨王所爲不往耶時光主王即便嚴駕與
諸大臣侍衛道從往如來所既到彼已頂禮
佛足即以上事具白世尊時放光如來告父
王曰大王當知我今往詣勝怨王所愍眾生
故舍利子時放光如來隨所樂欲別住一處
勝怨王都即與二十拘肱大阿羅漢出詣彼
國尔時父王亦備四種強力軍眾隨從佛後

辨具種種上妙衣服餽膳飲食牀敷醫藥及
餘資具供佛及僧乃至隨逐如來到已王領
國界之際便禮佛足遶無數帀涕泣哽噎辭
退而還時勝怨王聞放光如來與諸大衆將
來詣此盛蓮花城即便嚴飾所都大城除去
一切沙礫瓦石清淨夷坦街巷道路掃灑修
治極令華麗又以香水重增沾灑散布名花
量齊人膝以妙香瓶列重於道敷置種種微
妙寶衣於上虛空張施幡蓋作倡伎樂騰鬱
充滿舍利子時勝怨王作如是等莊嚴綺飾
盛蓮花城大王都已又下嚴勅擊鼓宣令於
此王都城之內外所有花鬘及塗香等無令

有人輒自受用并將出賣一切皆當奉獻供
養放光如來若違此令當加重罰舍利子時
勝怨王賈持種種花鬘塗香末香珍妙衣服
幢幡寶蓋鼓擊種種諸妙音樂又設羽儀現
大嚴備以王威勢出所都城爲欲瞻仰彼如
來故并申禮拜陳諸供養與四種軍及王城
內所有婆羅門長者居士豪族類等往詣佛
所旣到彼已時勝怨王最先頂禮彼如來足
復以種種花鬘塗香末香上妙衣服幢幡寶
蓋供養如來自供養已復令王子大臣及諸
侍衛婆羅門長者居士等亦如大王廣修供
養舍利子時勝怨王旣供養已具歡喜心具

妙善心具離蓋心具適悅心與諸群臣而隨
佛後舍利子介時有婆羅門名曰珍寶住大
雪山王側五百儒童以爲弟子衆人所宗名
德遠被善持藝術於三毗陀經達到彼岸又
於尼捷荼書及計羅婆論分別字論伊底訶
婆論五分記論隨順世論祠祀呪論丈夫相
論於是等論皆善通達及以自宗師傳三明
大教曉其理趣妙識開遮舍利子是婆羅門
有一儒童近任弟子名曰迷伽受學珍寶備
通幽旨藝術經論並皆明達智與師齊堪爲
道首時彼迷伽白其師曰大師當知所學經
論皆已通達我今當返自所生地云何奉酬

大師恩德時師告白伐嗟迷伽夫爲弟子欲
報師恩當以財寶方陳厚意所謂何等若辨
五百羯利沙鉢那者足表深心舍利子尔時
迷伽儒童奉師教已致敬右遶辟退而行遍
遊村城亭館國邑王都處處尋覓謝師財寶
既具集已將陳酬報漸漸往詣盛蓮花城遙
見王都種種嚴飾明發華麗甚可愛樂即問
傍人今此王都有何盛事榮飾周布莊嚴乃
尔傍人荅曰卿不知耶今日放光如來應正
等覺與八十拘肱大阿羅漢八万四千諸大
菩薩將入此城其中人民當行大施當興大
福由斯事故致此莊嚴時迷伽儒童忽聞如

是佛名之聲獲得廣大歡喜淨信竊自惟忖
諸佛如來出世甚難極難得值過烏曇花又
似盲龜難遇浮孔百千大劫時或一遇我今
奉見甚為希有定應以此五百羯利沙鉢那
賀花散奉放光如來當更求財用酬師德舍
利子當於尔時有一女人賣持七莖殞鉢羅
花從市而來迷伽告曰何處得此水生花來
女曰我於某處賣花屢所以五百羯利沙鉢
那買得此花迷伽告曰今酬本價能與花不
女曰不然又曰若不許者今有五百羯利沙
鉢那汝當獨取此七莖花二人當共為可尔
不女曰卿用此花為作何等告曰將用奉散

放光如來女曰如卿所言從今已往於諸有
趣常能降及為我夫者當以此花持用相委
介時迷伽便報女曰止止女人勿作是說何以
故汝女人性掉動輕轉多諸放逸汝之所言
不足收採又我當於阿僧企耶劫修集佛法
廣行布施或以金銀珍寶珊瑚末尼真珠琉
璃螺貝璧玉象馬駝驢牛羊群畜乃至或捨
大國王位車輅服飾內宮妃后男女眷屬或
捨手足耳鼻皮肉骨髓髻中明珠眼目頭首
大略而言無有一切內外之物於我施門而
不捨者或復有時當捨於汝入佛法中以信
出家趣於非家汝性掉動輕轉放逸或當余

時於我大捨而為障礙其女報曰審如所言
我為大利縱使卿今賣我此身乃至充一羯
利沙鉢那者終無異心於施留礙或復割截
我身段段捨施定無留礙修集佛法迷伽告
曰若能如是此則為可宜速與花尔時女人
持花授與迷伽取花便即往詣放光佛所遙
見如來為無量百千拘股那庾多衆生前後
圍遶威儀庠序導衆而前乃至以無量百千
功德莊嚴從彼而來於出尊所心生淨信以
無量種清淨歡喜深愛重心前詣佛所恭敬
禮拜不勝欣慶又見多人以諸大價微妙衣
服為供佛故敷施行道便作是念我今雖無

上妙衣服唯有所著弊鹿皮衣當敷道中藉
如來足作是念已脫衣布地尔時諸人覓取
皮衣遂棄他所咸生蚩責云何為是含靈中
寶敷設如此弊鹿皮衣時彼迷伽即便馳往
四衢道邊泥濕之處取鹿皮衣敷置其上作
如是念放光如來大慈悲者加哀憐我以遍
照眼及遍照智賜觀所為希願以足蹈我衣
上尔時如來愍其所念便以足趾蹈鹿皮衣
迷伽見已心生慶悅踊躍歡喜即以所持殞
鉢羅花用散佛上於時復有無量天子住虛
空中以天曼陀羅花殞鉢羅花鉢特摩花拘
賀陀花奔荼利花及天旃檀末香俱散佛上

作天音樂詠天清歌遍滿虛空大興供養時
彼迷伽所散之花列住空中乃復變成無量
千數殞鉢羅花葉皆垂下合成花蓋隨佛而
行迷伽見已倍復踊躍心生淨信於如來前
解十二年金色髮髻以布于地便發無上菩
提大願若我來世當成如來應正等覺審不
虛者唯願今者放光如來授手安慰又發堅
固勢力弘誓作如是言若使如來不以足趾
蹈金色髮授手安慰及不授我菩提記者我
終不起即於此地乾枯命終舍利子尔時放
光如來應正等覺具遍照眼及遍照智於三
世中無事不達知彼迷伽意欲解已便舉足

趾躡其髮上即便右顧如龍象迴告諸聲聞
一切大衆汝等苾芻勿蹈其髮所以者何此
孺童者却後過阿僧企耶劫當成如來應正
等覺号釋迦牟尼舍利子是時迷伽聞佛授
記歡喜踊躍上昇虛空高七多羅樹證得百
千那庾多拘肱無動諸定又以神通智力觀
見東方過苑伽沙等無量諸佛皆為授記作
如是言孺童當知汝於來世經阿僧企耶劫
當得作佛号釋迦牟尼如是南西北方四維
上下周遍十方各如苑伽沙等無量如來皆
如東方諸佛授記舍利子迷伽孺童既蒙諸
佛授記安慰已從虛空下來詣佛所以信捨

家趣於非家修習堅固清淨梵行舍利子汝
今於此無生疑惑謂彼往世迷伽儒童是餘
人乎勿作是觀即我為彼儒童菩薩我於介
時以是五莖青色蓮花奉散彼佛復解金綬
敷置道上興如是行便蒙授記是故舍利子
若有菩薩摩訶薩欲得速受如來記者當於
如是大菩薩藏微妙法門殷重聽聞受持讀
誦通明義趣廣為他說分別開示復應修行
無相正行何以故我憶往昔未得值遇放光
佛前無有一切白淨行法不修行者雖作如
是無量勤苦然不蒙佛為我授記所以者何
由修諸行皆有相故從是已後我方於是大

菩薩藏微妙法門隨所聞已安住正行如是
行者謂無相行無功用行無所得行行如是
等無相行已放光如來乃為授記舍利子我
憶往昔最初得見放光佛時便得超過一切
有相有功用行又初見佛便能隨覺一切法
性又得通達一切諸法自性無生從是已後
放光如來乃為授記作如是言迷伽儒童汝
於來世過阿僧企耶劫當得作佛号釋迦牟尼
如來應正等覺舍利子當授記時我便證
得無生法忍舍利子證得何等無生法忍所
謂證得一切色法無所得忍證得受想行識
法無所得忍證得蘊界處法無所得忍舍利

予言得忍者。是則名爲忍受。諸法都無所得。何以故。非於證得如是忍時。世間之法而復現行。非異生法。非諸學法。非無學法。非獨覺法。非菩薩法。非諸佛法。而復現行。所以者何。由一切法不現行。故說名得忍。由一切法畢竟無得。亦無所得。故名得忍。又是忍者於一刹那。盡一切相。及諸所緣。故名得忍。又是忍者。不忍於眼。不壞於眼。及諸所緣。故名得忍。不忍於耳。鼻。舌。身。意。不壞於意。如是忍者。無盡境界。如是忍者。非趣境界。故名得忍。是故舍利子。若有菩薩。摩訶薩。欲得速爲如來。授記。證是忍者。當於如是。大菩薩藏微妙法門。

般重聽聞受持讀誦通達義趣廣為他說分
別開示安住正行謂無相行無功用行無所
得行如是等法名為正行尔時大衆中有長
者子名那羅達多從薄伽梵聞說如是大菩
薩藏微妙法門又聞讚嘆諸佛菩薩勝功德
已即從坐起披一肩衣以右膝輪安置于地
向佛合掌頂禮恭敬而白佛言世尊先為諸
長者等廣說諸法相續不絕如是開示如是
教道皆令證得阿羅漢果即於此生盡老死
際而未聞說大菩薩藏微妙法門讚嘆諸佛
菩薩功德我幸大利今具得聞竊生是念如
是大乘為尊為勝為上為妙為無有上更無

過上所謂阿耨多羅三藐三菩提我今現前
親聞佛說受持領悟開顯諸法如是法者分
別諸法無所依執無我我所無有攝受世尊
我作是念如是妙法為尊為勝為上為妙為
無有上更無過上如是法者我當修集世尊
我今思惟一切乘中為無上者所謂佛乘諸
佛如來亦說此乘最為第一取為無上我從
今日發起無上正等覺心為欲利安多衆生
故為欲悲愍諸世間故利益安樂無量天人
如佛建立諸大菩薩所有學處我今皆當悉
依隨學說是語已小時世尊告長者子善哉
善哉善男子阿耨多羅三藐三菩提甚難證

信甚難修習汝今乃能深發是意時長者子
白佛言世尊無上菩提難復其難證信修集
然我今者發起如是勇猛精進必當修集阿
耨多羅三藐三菩提不以為難又我於此阿
耨多羅三藐三菩提奉修牢強定無退轉世
尊我於今者發大弘誓假使發菩提心如苑
伽沙數方證無上正等覺者我於是事彌增
精進乃至如上一一發心經如苑伽沙等劫
乃至隨是發菩提心一一所發要由斬截苑
伽沙等身分頭首方能起者是菩提心雖復
經履如是勤苦我於是中倍加精進終不放
捨無上菩提何以故蹤邊如是諸苦難事猶

應修集藉斯緣故必證菩提何況為證無上
菩提受諸安樂而不修學所以者何阿耨多
羅三藐三菩提其性高廣具足周大無上佛
法不可思議不可稱量無有涯際不可宣說
雖復諸佛無障礙智經歷百千拘肱那庾多
劫以諸言音說此菩提非易可盡亦時長者
子那羅達多即於佛前而說頌曰
百千拘肱劫 乃發菩提心 雖眾苦所逼
不捨含生界 隨發菩提心 要斷諸身首
聚量高迷樓 我亦能堪忍 我安住菩提
利樂含生故 願我於來世 如今日世尊
遠彼聲聞乘 兼濟一切者 願我於現世

如今日世尊

此乘為大乘

最上佛稱讚

我觀無與等

故欣樂菩提

為拔濟危厄

為脫三惡趣

為求如是如來

出出現成佛

尔時長者子那羅達多說是頌已便自思惟

我今明達廣大佛法如何不以教化妻子諸

眷屬等此非我宜作是念已即從坐起頂禮

佛足右遶三匝速疾還家嚴辦種種諸供養

具與其七妻男女奴婢各有七人賣持千雙

上妙衣服及諸花香供養之調又與五百樂

人相隨疾出王舍大城為欲奉見薄伽梵故

時王舍城有多人眾見長者子與其眷屬速

疾馳出因而問曰汝等今者有何急遽與諸

眷屬將往何所長者子言諸善男子豈不知
乎今者如來應正等覺止鷲峯山無量百千
天人大衆前後圍遶無數方便為諸衆生分
別開示廣大佛法故我今者率領眷屬將往
佛所為求如是廣大佛法為欲成辨不可思
議不可稱量諸佛智慧為欲種殖無上正等
菩提善根汝等若欲成就廣大諸佛法者可
共同詣彼如來所當共種是廣大佛法無上
善根尔時王舍城中人民之類聞長者子說
是語已有十千人皆樂隨從往至佛所時長
者子那羅達多與其眷屬及以隨從滿十千
人同時見佛頂禮佛足却住一面時長者子

與諸俱來所有大衆賣持花鬘塗香末香衣
蓋幢幡作倡伎樂歌詠讚嘆供養如來復以
千雙淨妙珍服以覆佛上時長者子作是奉
已歡喜無量即於佛前說伽他讚其頌曰
第一有情微妙者
能發無邊勝智見
成清淨行上菩提
如是我今修供養

皆無量劫多修行

為利衆生求大覺

證法自在現成佛

如是我今修供養

我與妻子眷屬衆

為利含識求菩提

并及多千人民等

同共歸依大覺者

爾時長者子說是伽他讚嘆佛已便白佛言
世尊我今與此諸有情等至如來所皆已安

住阿耨多羅三藐三菩提唯願世尊哀愍此
等復為說法當令一切於阿耨多羅三藐三
菩提不復退轉又我今者欲於佛所種諸善
根唯願世尊現為我證當使如是善根力故
令諸眾生平等速證阿耨多羅三藐三菩提
又獲無量廣大佛法亦如今者現在世尊時
長者子與諸眷屬五百樂工十千人眾一心
同聲白佛言世尊我等今者於如來前同共
至誠歸依於佛歸依於法歸依於僧唯願世
尊憶持我等是鄔波索迦始從今日乃至壽
終寧棄身命不捨歸趣清淨信心又復世尊
憶持我等始從今日乃至菩提為阿耨多羅

三藐三菩提故發起增上勇猛之心又復世
尊憶持我等唯願速證阿耨多羅三藐三菩
提為諸眾生宣說正法亦如今者如來無異
又復世尊憶持我等唯願來世成佛之時大
眾圍遶如今無異又復世尊憶持我等唯願
來世度脫無量苦逼眾生如今無異時長者
子及諸來眾并五百樂工作是誓已復以種
種微妙音樂供養如來右遶三匝今時世尊
愍此等故上昇虛空結加趺坐時五百樂工
既覩如來現此神變於世尊所倍生淨信以
佛威力諸音樂器不假攝持自然上踊住在
空中無所憑據作眾伎樂繁會充溢右遶如

來時長者子俱來大衆咸覩神變嘆未曾有
心生慶悅踊躍歡喜皆共合掌致敬如來尔
時空中周匝正等一踰繕那復有無量百千
音樂亦無執持自然而現猶如蜂房懸處虛
空作偈伎樂發微妙音尔時長者子與其眷
屬及五百樂工十千城人及以先來聽法衆
內六十千人諸苾芻衆千二百五十人佛威
力故皆踊空中又佛神力於上空中五百樂
臺自然出現是諸臺中皆說妙法又有四大
樂臺現於佛前莊嚴彫飾窮世瓌異又有無
量百千拘肱諸天子衆列住空中以天曼陀
羅花而散佛上佛神力故所散之花於虛空

中變成八万高妙花臺時諸大衆覩上臺中
有如是等廣大莊嚴於如來所倍生淨信愛
敬之心嘆未曾有尔時世尊知諸大衆其心
清淨又復了知那羅達多及俱來衆增上意
已便現微笑如前廣說乃至其光還從頂沒
時長老阿難既覩微笑披一肩衣向佛合掌
恭敬作禮白佛言世尊有何因緣現此微笑
我惟如來所現神相非無因緣佛告阿難汝
今當知此長者子那羅達多七婦男女并奴
婢等三十六人由供養我善根力故當來之
世經千拘肱劫不墮惡趣人天往返受諸快
樂過是劫已值佛出世名曰商主如來應正

等覺明行圓滿善逝世間解無上丈夫調御
士天人師佛薄伽梵於是佛所供養恭敬尊
重讚嘆廣修梵行從是已後復經二十拘肱
劫不墮惡道阿難當知是長者子七婦七女
及以七婢自此命終便捨女身得成男子恒
與那羅達多不相捨離行菩薩道於當來世
同處一劫得成阿耨多羅三藐三菩提阿難
當知長者子那羅達多菩薩摩訶薩當成佛
時号平等心如來應等正覺出現於世十号
具足是大菩薩所有眷屬當成佛時皆同一
号阿若末若如來應正等覺具足十号是五
百樂工以供養我善根力故當來又經阿僧

企耶劫不墮惡趣又經於彼滿十拘肱轉輪
聖王而為翼從阿難當知是五百樂工大略
而言於是劫中得值十千諸佛皆得親承供
養無空過者從是已後同一劫中得成阿耨
多羅三藐三菩提皆号美音是十千人以供
養我善根力故中四百人當得值遇慈氏如
來於彼佛所淨修梵行得盡諸漏便般涅槃
所餘人等當來又經苑伽沙等如是大劫不
墮惡道漸次得值十拘肱佛於彼佛所廣修
諸行尔後一切得成阿耨多羅三藐三菩提
皆同一号名甚希有阿難當知是六万眾中
具滿千人於我滅後正法已盡又過於彼刀

兵中劫慈氏如來未出現前衆生壽命漸增
長時亦時瞻部當有八万獨覺出現於世是
一千人皆得值遇供養修善於後復值慈氏
如來還得供養從是已後經二十五拘脰那
度多劫不墮惡趣最後人身諸善根力所覺
曉故淨信捨家趣於非家便得證悟緣覺菩
提阿難當知於此衆中有十千人具生聖見
餘千人等同發阿耨多羅三藐三菩提心復
有六十那度多諸天子等遠塵離垢於諸法
中生淨法眼如是阿難誰有見斯殊特勝利
而於佛所不生淨信愛樂恭敬發希有心唯除
愚癡不肖之士何以故彼諸人等於如來所但

修如是微細善根乃能獲得如來大我或復證
入無上涅槃今時世尊欲重宣此義而說頌曰
於佛所修諸供養
若有希求高大果
若佛現在修供養
供養馱都如芥子
若復欲修諸供養
供養馱都如芥子
若有具修平等心
當成平等之勝報
若有欲攝諸善趣
及欲趣向涅槃路

獲得如斯勝功德
當於導師修供養
或復於佛涅槃後
常得奉侍諸如來
如來住世或涅槃
行平等心果平等
供養平等人中上
及證平等妙菩提
遮障絕除眾惡道
如是獲得不為難

佛具最勝淨尸羅

若生最勝淨信已

若修最勝諸供養

及證最勝尊正見

若樂人中聰叡者

當修猛利正欲樂

有得轉輪之聖主

廣修無量勝功德

今時世尊說是頌已告長老舍利子若有安

住大乘諸善男子及善女人欲疾證得阿耨

多羅三藐三菩提者當於如是大菩薩藏微

妙法門發生猛利清淨欲樂殷重聽聞受持

佛具最勝三摩地

當獲最勝如來果

速登最勝之善道

能宣最勝微妙法

親持諸佛清淨法

多聞如理正思惟

或為帝釋梵天王

定趣無餘大寂滅

讀誦通達義趣廣爲他說分別開示何以故
若於是經受持讀誦乃至爲他分別說者能
令三寶永不斷絕常不遠離四無量行常勤
修習六到彼岸恒正方便以四攝法攝化衆
生舍利子如是大乘大菩薩藏微妙法門當
知即是諸菩薩道所以者何是經典者善能
攝持阿耨多羅三藐三菩提故舍利子是經
乃是諸菩薩等聖珍寶藏我依是經正修學
已畢竟證得生死永斷又證一切波羅蜜多
由證是故即号無上正等覺者舍利子如來
於一切波羅蜜多皆已畢竟如來於一切所
作皆已靜息如來於無量諸地皆已證得又

復更證無邊之地何以故由佛證是諸波羅
蜜多故而能究竟安住一切到彼岸法是故
諸菩薩摩訶薩應當於是大菩薩藏微妙法
門精進修行如我所證爾時世尊而說頌曰
於業應知業 於報應知報 無業亦無報
是安隱涅槃 諸有為皆苦 於中無有智
是故智生已 有為皆解脫
爾時世尊說是頌已長老舍利子及大苾芻
并諸天人健達縛阿素洛等一切衆生聞佛
所說皆大歡喜信受奉行

極濟上上聲 遺匱下求正 柁耶上可反 屨底初上

眼初 有饒上上聲 拘肱下珍反 企耶上丘反

庾多上於主 充溢下夷 邪枉下紆反 誕但音

哽噎於上 沙礫下音 夷坦下他反 倡伎但音

上音 花鬘下真 祠祀二詞似 師傅下音 伐瑳下七

何羯利上居 淮村下本 殞鉢上烏反 駝驢上音

藉如來上夜 畫墳上尺 蹈足下音 躡居

反苾菑上頻 必反又步 殄上陵反 涯際上音

忿遽上渠預 環異上回反 不肖下笑音 馱都上唐

賀反此 堅實

